

ERİYARARE IDEM JESUS

Eriyarare 1:1-20

QYQHQ-UKPEP-ÑKPQ 459

Eke Ikpo Owo

IKQ IBUOT: “Sese, Enye omõn asaña ke obubit enyõn edi; kpukpru enyin eyenyuñ ekut Enye, ye mmõ emi ekekimde Enye; ndien kpukpru mme idut isõn eyeseme Enye” (Eriyarare 1:7).

I Mme Etop Emi Enõde John

- 1 Abasi ama onõ Jesus mme ñkpõ emi ediyararede ke ekpri ibio ini emi angel ekemende owut John, Eriyarare 1:1, 2 Thessalonica 1:7, 8
- 2 John etie nte ntiense abaña kpukpru ñkpõ emi enye okokutde, Eriyarare 1:2
- 3 Enõ nnyin item ndikot nnyuñ nnim mme ikõ emi, koro ini ke ekpere, Eriyarare 1:3

II Etop Emi Enõde Mme Ufõk-Abasi Ke Abaña Eridi Esie

- 1 Etop emi odude ke Ñwed oro enyene ufõk-Abasi itiaba emi adade onõ Ufõk-Abasi Esie, Eriyarare 1:4, 11
- 2 Christ, emi edidide nte Edidem, ama anyaña, eyet asana, onyuñ anam nnyin idi ndidem ye mme oku, Eriyarare 1:5, 6; Ñwed Mbon Ephesus 5:25-27
- 3 Kpukpru enyin ke ofuri emana eyekut odudu ye ubõn Abasi, Eriyarare 1:7, 8

III Enyene-uteñe Owo

- 1 John okop uyo ke edem onyuñ õwõõõre ndise enye emi etiñde ikõ, Eriyarare 1:10, 12
- 2 Etiñ eyarare ubõn owo emi John okokutde, Eriyarare 1:13-16; Daniel 7:9-14
- 3 Christ onõ ikõ-ntiense abaña Idem Esie, Eriyarare 1:17, 18
- 4 Eyarare ndibe ñkpõ emi abañade mme ntantafion itiba ye mme udiok utuene-ikañ o-gold itiba, Eriyarare 1:19, 20.

SE EKPEPDE EBAÑA

Ebin Aka Patmos

John, edima isuñ-utom Christ, ekedi andiwet Eriyarare emi ekerede ete ekewet enye ke ñkpõ nte isua 96 toñõ nte Christ akamana. John ekedi akani-eren ke ini emi Domitian, andikara Rome ekebinde enye aka Isuo Patmos “Ke ntak ikõ Abasi, ye ikõ ntiense emi abaña Jesus.” Mbemiso ini emi, ema ewot mme isuñ-utom Christ eken ke ntak ikõ Abasi, ekeme ndidi ke John ikpõn õkõsuhõ emi ekedide owo emi okokutde onyuñ okopde se Jesus eketiñde ke ini Enye odude mi ke isõn. Obõn ama ayarare onõ enye mme ñkpõ ntibe emi edidade itie ke mme akpatre usen tutu osim editõnõ ntak ndi Jesus ye akpatre erikan mme odudu asua.

Patmos ekedi ebiet kiet emi õyõõõde ye itiat ke otu mme isuo ke Greece ke ñkañ usuk-usuk usop-utin Ephesus. Eto, me idim mmõn, me ebiet emi owo ekemede nditõ inwã iduhe do. Ebiet oro edi utatan isõn emi õyõõõde ye itiat, ekeda itie emi nte ebiet emi esibinde mbon mkpõkõbi enõ eka. Mme ukõbõ emi okotode mbon Rome ama akabare osio usuñ onõ John ndinyene ata edisana ebuana ye Heaven. Ediwak ini iyaresit mme idiok owo esinam nditõ Abasi esik ekpere eduk nduk ye Abasi.

Apocalypse

Apocalypse õwõõõ ñkpõ emi ayararede. Akpa ufañ anam nnyin ifiok ete ke Abasi õkõõõ Jesus Christ eriyarare emi man enye owut ikõ Esie mme ñkpõ emi ediwõõõde osu ke ibio-ibio ini; ndien enye õdõn angel Esie ayarare enye onõ owo Esie John.

Nte Ñwed Genesis onõde mbuk eritõnõ ererimbot ye akpa eñwõõõ ke abaña Andinyaña ererimbot, kpa ntre ke Ñwed Eriyarare nte akpatre ñwed ke Ñwed Abasi etiñ abaña akpatre ini eyo emi, onyuñ owut ubõn ye

ubom Christ ke editoño ntak ndi Esie. Se Nwede emi etinde abaña edi akwa erikan emi Obio Uboñ Abasi enyenede. Edohọ ete ke enye edi ebọp emi edoride ke akwa ufañ emi abaharede akpa ye udiana eridi Christ.

“Ofọfọn ọnọ andikot nwe, ye mmọ emi ekopde ikọ Prophecy emi, enyuñ enimde mme nkpo eke ewetde ke esit” (Eriyarare 1:3). Ediwak owo ese ete nwe Eriyarare edi Nwede emi efukdefuk inyuñ idomoke ndifiok enye, edi Ikọ Abasi odohọ ete “ofọfọn” ọnọ mmọ eke enamde. Enye etin nko ete ke Abasi akayak enye ọnọ Jesus man Enye okpowut ikot Esie. Ewet ekese mme itie ke Nwede emi ke ido emi ebietde nke, edi ata ekese nti enwoño emi edude ke Nwede Abasi odu ke esit Nwede emi.

Ekọm

“John ọnọ nwe esok mme ufok Abasi itiaba emi edude ke Asia. Mfon ye emem . . . onyuñ oto Jesus Christ, emi edide ntiense emi anamde akpanikọ, andibem iso mmana ke otu mme akpa mkpa, ye andikara ndidem ison. Enye emi amade nnyin, okonyuñ adade iyip Esiemọ atat nnyin uruk mme idiok-nkpo nnyin; Enye omonyuñ anam nnyin idi obio Uboñ, idi mme oku inọ Abasi ye Ete Esie, enọ Enye ubon ye erikara ekonde ke nsinsi-nsinsi” (Eriyarare 1:4-6). Nso eti ekom! ke enye okom ke ikwo akwa idaresit: “Enọ Enye ubon ye erikara ekondo ke nsinsi-nsinsi.”

Mfon ye emem emi etode enye emi akamade nnyin okonyuñ eyetde nnyin ke Iyip Esie! Edieke Enye akamade mme asua Esie tutu Enye akpa ke kros ọnọ mmọ, Ima Esie editie didie ọnọ mmọ emi efakde oto ke edisana Iyip Esie! Emi anam aña ete ke Iyip Esie eyet mme idiok-nkpo nnyin efep. Ata akpan ntak emi Enye akamanade nte nsek eyen ke Bethlehem ekedi man oto do Enye akpa ke kros onyuñ oduok iyip Esie ndinyaña ererimbot emi etakde. Mme mmọ emi ebode utibe erinyaña emi idighe ke ndinyaña mmọ ikpon-ikpon nsio ke mme idiok-nkpo mmọ, edi enam mmọ edi mme ndidem ye mme oku enọ Abasi. Kere nkpo emi! Nditonọ ke usuhore itie ke uwem nkabare ndi mbon ye mme oku nno Abasi! “yak owo ekom Jehovah ke ima Esie, ye ke mme utibe nkpo emi Enye anamde ye ndito owo” (Psalm 107:8).

Eridi Ke Obubit Enyon

“Sese, Enye omon asaña ke obubit enyon edi” (Eriyarare 1:7). Ke ini Jesus okokponde ererimbot emi, obubit enyon ofuk Enye ke enyin mme mbet. Ke ini Enye editonode ntak edi, edidi ke obubit enyon ke Idemesie, nte edikutde ke eridi Esie.

Ndusuk mme andikpep ekeme nditin ete ke ediduk emi Enye odukde ke esit edi emi edohode ete eritonọ ntak ndi Esie. John ama okut Jesus ke ini Enye okodude ke ison nte owo: nko nte Christ emi ekesetde mbemiso Enye odok Heaven. Kpukpru mme isua oro otonode ke ini emi Jesus okokotde enye man edi kiet ke otu mme mbet Esie, ima Jesus ama oduñ ke esit esie: ndien idaha emi John okut Enye nte odude ke Uboñ Esie.

Jesus eyetonọ ntak edi ndien kpukpru enyin eyekut Enye. Ndusuk eyekut Enye ye ubon, ndusuk eyetua enyuñ ekpe mme itiat ye mme ikpo-obot ete odip mimo. Itie nwe emi Ke akpa ibuot nwe Eriyarare eneñere etin abaña mmọ emi ekekimde Enye, mmọ emi ekekonde okpo-ukwak esin ke ubok ye ukot Esie, enye emi okotode Enye eduat ke nkan, adian ye mmọ emi ekefioride ete, “kon enye ke kros, kon enye ke kros.”

Usen Obon

John odohọ ete ke imo ikodu Ke Spirit ke Usen Obon, usen emi mme anditiene-Christ ekebohode nditi eriset ke mkpa Obon. Usen emi enimde ke nsinsi nte ata akpan usen ke kpukpru mme mbuk nkpo-ntibe. Ema enim oyohọ usen itiaba ke usen ukpono nte ekemde ye mme usen edibot nkpo, nko okonyuñ edi Sabbath Mme Jew. Mme anditiene-Christ enim akpa usen urua, usen emi Christ ekesetde, Ke ndidara Erifak owo. Enye edi Sabbath mme anditiene-Christ. (Se ke Ukpep-nkpo 368, Oyohọ Nwe 21).

Ndifri Obukpon

John ama okop akwa uyo ke edem esie nte uyom obukpon. Obukpon ekedi nkpo emi enimde nte idionọ akwa nkpo-ntibe. Enye akasana kiet ke ini Abasi ayararede Idem Esie. Ke ini Abasi akayararede Idem Esie ke Obot Sinai, Enye eketin ikọ qworọ ke ndobo oto ke uyo obukpon, ke ata okposon uyo. Ekefri obukpon sidibe ndiwut isua Jubilee. Uyo etubom mme angel (archangel) ye obukpon Abasi eyesioro uyo ke ndobo udi onyuñ atañ mme ndimek ikot Abasi ke mme utit ererimbot. Ererimbot emi mifiokke ata Abasi idikopke edi

mmọ emi ema ekeyet ke iyip eyekop, eyenyuñ ekpuhọre mmọ idem, enyuñ emen mmọ edọk ke mba nte ntrukupom man mmọ ekesobo ye Ọbọñ mmọ ke ofum.

Mme Uwuk Candle Itiaba

Ke ini John ọkọwọñqrede ete ise uyo emi eketiñde ikọ ye enye, enye ama okut udiọk utuenikañ o-gold itiaba, ndien ke ufọt udiọk utuenikañ o-gold itiaba enye ama okut enye emi ebietde Eyen owo. Udiọk utuenikañ o-gold itiaba eda enọ mme ufọk-Abasi itiaba ke Asia. Ikañ asak ke udiọk utuenikañ itiaba. Mme candle inyeneke ikañ ke idem mmọ, edi ikañ asak ke mmọ. Jesus edi ata uñwana. Ufọk-Abasi akama ata uñwana akpanikọ ndien owo kiet ekededi emi amanade obufa ke Christ anam uñwana esie ayama oto ke ikọ ntiense esie ye uwem emi enye odude. Ekenam mme uwuk utuenikañ ke gold, ata ọsọñ urua itiat. Mboho ndisana nditọ Abasi edi ñkpọ emi ọsọñde urua akan ke ererimbot. Enye edi ata eti gold ererimbot.

Eyen Owo

Ibuot ye idet Esie ekebiet wool, afia nte snow. Ikọ Abasi etiñ ọnọ nnyin ete ke Iwat edi anyanya ubọñ, ke usuñ eti ido ke edikut enye. (Mme Ñke 16:31). Mme ikpat esie ekebiet ata nsak-nsak okpoho nte emi efọpde ke ikañ. Ọbọñ asaña ke edisana ikpat emi ke otu mme ufọk-Abasi, ndien eyenyuñ edighi kpukpru ñkpọ nsobo. Mme ikpat oro efọn ye mmọ emi emade Enye, edi enyene ndik ye mmọ emi enye edinuakde.

Uyo Esie ekebiet uyo ediwak mmọñ. Ekeme didie ndidi ukpuhọre-ukpuhọre? Usen kiet uyo oro eyenam akpa mkpa eset. “Uyo Jehovah ọmọsọñ: uyo Jehovah enyene ubọñ” (Psalm 29:4).

Enye akama ntanta-ọfiọñ itiaba ke ubọk nnasia Esie. Mme ntanta-ọfiọñ itiaba oro edi mme angel, mme ọkwořo-ikọ ke mme ufọk Abasi itiaba. Christ asaña ke ufọt mme udiọk utuenikañ edi enye omum mme ọkwořo-ikọ Abasi emi ke ubọk nnasia Esie.

Edisọp ofut iso iba ọwọřo ke inua Esie. Ñwed Abasi etiñ ọnọ nnyin ete ke: “Ikọ Abasi enyene uwem, onyuñ ananam ñkpọ, onyuñ ọsọp akan kpukpru ofut iso iba, okim abahare ukpọñ ye Spirit, ye ikek ye ndia; onyuñ enyene ukeme ndiduñqre ekikere ye uduak esit owo” (Mme Hebrew 4:12). “Koro ofut mi ọñwọñde ñkpọ ọyuhọ ke enyọñ; sese, enye eyesuhọre Edom ke idem, ndikpe ikpe idut emi nnimde nnọ nsobo” (Isaiah 34:5). Iso Esie ekebiet utin emi ayamade ke odudu esie. Mme ufọk Abasi edi mme edi utuenikañ, mme ọkwořo-ikọ edi mme ntanta-ọfiọñ ndien Christ edi utin.

Oruk ndise emi ke mme mbet ita ekeket ke ini edikpuhọre Idem Jesus ke obot ke iso mmọ. “Iso Esie asiaha nte utin, edisine ñkpọ Esie onyuñ akabare afia nte uñwana” (Matthew 17:2).

Mme Ikọ Ndọñesit

Se John okokutde ekedi akamba ñkpọ ndik, itoro ye odudu, ye utibe-ñkpọ ye ubọñ. Ewet ñwed kiet etiñ ete: “Uyo obukpọñ, ediye ñkpọ uto, emi eyede ndise, Ñwed emi ayarade kpukpru ñkpọ uyo emi asañade ye odudu, iso uyama uñwana. . .”

Ñkukut emi ama ofuk John ofuri-ofuri ndien enye ọduọ ke ukot Christ nte akpa mkpa. Jesus odori enye ubọk nnasia Esie ke idem onyuñ ọdọhọ ete, “kufehe ndik.” Nso utọ ikọ ndọñ-esit!

MME MBUME

- 1 Ke ewe isuo ke ekebin John ekenim? Tiñ nte enye eketiede.
- 2 Ntak emi ekebinde enye ekenim do?
- 3 John okokut ñkukut emi ke nso usen ke urua?
- 4 Nso idi ntak emi mme anditiene-Christ etide usen oro?
- 5 Nso idi akpa ñkpọ emi John okokutde ke ñkukut oro?
- 6 Mmọ ekeda enọ nso?
- 7 Siak mme ufọk-Abasi itiaba ke Asia emi ekenqde etop emi esọk?
- 8 Tiñ nte Eyen-owo eketiede.
- 9 Kpukpru mme ñkpọ emi akanam John nso?
- 10 Jesus eketiñ nso ye enye?